

乾隆大藏經



乾隆大藏經



第二四册 大乘經 五大部(七)

金剛場陀羅尼經 一卷

金剛上味陀羅尼經 一卷

佛說無崖際總持法門經 一卷

尊勝菩薩所問一切諸法入無量法門陀羅尼經

一卷

大乘經 單譯經(一)

十住斷結經 一四卷

菩薩道樹經 一卷

或云：私呵經

亦名：道樹三昧 亦名：私呵三昧經

菩薩生地經 一卷

佛說孛經 一卷 亦云：孛經抄

隋北天竺三藏法師闍那崛多譯……………一

元魏北天竺三藏法師佛陀扇多譯……………一五

乞伏秦沙門釋聖譯……………二九

高齊河南居士萬天懿譯……………四五

姚秦沙門竺佛念譯……………六三

吳月支三藏優婆塞支謙譯……………三〇七

吳月支優婆塞支謙譯……………三二一

吳月支優婆塞支謙譯……………三二五

無垢淨光大陀羅尼經 一卷

成具光明定意經 一卷

摩訶摩耶經 二卷

亦名：佛升忉利天為母說法經

諸德福田經 一卷

大方等如來藏經 一卷

佛說寶網經 一卷

佛說內藏百寶經 一卷

佛說溫室洗浴眾僧經 一卷

佛說菩薩行五十緣身經 一卷

佛說菩薩修行經 一卷

佛說金色王經 一卷

佛語法門經 一卷

佛說四不可得經 一卷

須真天子經 二卷

佛說觀普賢菩薩行法經 一卷

亦名：觀普賢觀經 出深功德經

觀世音菩薩得大勢菩薩受記經 一卷

唐天竺沙門彌陀山等譯……………三四五

後漢西域三藏沙門支曜譯……………三五九

蕭齊沙門釋曇景譯……………三八一

西晉沙門釋法立法炬同譯……………四〇九

東晉北天竺三藏法師佛陀跋陀羅譯……………四一六

西晉三藏竺法護譯……………四二七

後漢月支三藏支婁迦識譯……………四五三

後漢安息三藏安世高譯……………四六一

西晉三藏法師竺法護譯……………四六四

西晉河內沙門白法祖譯……………四六九

元魏婆羅門瞿曇般若流支譯 沙門曇林筆受……………四七七

元魏北天竺三藏法師菩提留支初譯……………四八七

西晉三藏竺法護譯……………四九〇

西晉三藏法師竺法護譯……………四九五

劉宋罽賓三藏法師曇摩蜜多譯……………五三九

劉宋黃龍沙門釋曇無竭譯……………五五五

不思議光菩薩所說經 一卷

超日明三昧經 二卷

除恐灾患經 一卷

佛說首楞嚴三昧經 三卷

未曾有因緣經 二卷

諸佛要集經 二卷

稱揚諸佛功德經 三卷 亦名：集諸佛華

賢劫經 一〇卷

亦名：毘陀劫三昧經 晉曰賢劫定意

佛說佛名經 一二卷

過去莊嚴劫千佛名經 一卷

亦名：集諸佛大功德山

現在賢劫千佛名經 一卷

亦名：集諸佛大功德山

姚秦三藏鳩摩羅什譯……………五六九

西晉清信士聶承遠譯……………五八三

乞伏秦沙門釋聖堅譯……………六三一

姚秦三藏鳩摩羅什譯……………六四九

蕭齊三藏沙門釋曇景譯……………六九九

西晉三藏法師竺法護譯……………七三九

元魏西域三藏吉迦夜共曇曜譯……………七八一

西晉三藏竺法護譯……………八三三

元魏北天竺三藏法師菩提留支譯……………一〇一九

開元拾遺附梁錄……………一二三九

開元拾遺附梁錄……………一二五九



金剛場陀羅尼經

隋北天竺三藏法師闍那崛多譯



清刻龍藏佛說法變相圖

金剛場陀羅尼經

隋北天竺三藏法師闍那崛多譯

如是我聞一時婆伽婆住在雪山妙色聚落
 金莊嚴窟與摩訶比丘僧其數滿足一千人
 俱爾時世尊著衣持鉢入妙色聚落普徧乞
 食還至本處飯食訖結跏趺坐正念不動
 爾時世尊入名一切法平等相三昧入三昧
 已諸比丘等頂禮佛足忽然不見如來所在
 各自相問今婆伽婆修伽陀何處去耶爾時
 首陀會及三十三天子承佛神力來至佛所
 時釋天王及梵天王作如是念婆伽婆今在
 何處修伽陀今在何處作是念已觀見佛身
 住在金窟入於三昧時諸釋天來至佛所默
 然而坐及首陀會諸天衆等亦默然坐爾時
 世尊於三昧中現諸神通佛神通力故所有

三千大千世界學菩薩乘者初發菩提心者
或復久發菩提心者或阿毗跋致者或一生
補處者以得如來神通教故來至妙色聚落
到於佛所佛神力故去地一仞跏趺而坐爾
時文殊師利童子入一切衆生歡喜三昧入
三昧已令諸大衆得心歡喜得心悅樂得心
安隱得心希有爾時彌勒菩薩摩訶薩入一
切法寂定三昧入三昧已令諸大衆諸根寂
定爾時體相菩薩摩訶薩共六萬二千菩薩
向妙色聚落金莊嚴窟到於佛所即見自身
及諸菩薩住在虛空於虛空中結跏趺坐時
觀世音菩薩共九萬二千菩薩從虛空中向
妙色聚落金莊嚴窟來到佛所不能下地共
諸菩薩於虛空中跏趺而坐即入破散一切
衆生煩惱三昧入三昧已彼諸大衆即滅貪

欲癡等一切煩惱爾時寶相菩薩摩訶薩即
入大莊嚴三昧入三昧已即於虛空普雨優
鉢羅華波頭摩華俱物陀華分陀利華映蔽
日光

爾時世尊正坐三昧飛騰虛空欣然微笑乃
至放於青黃赤白金色玻瓈等光明亦復如
是爾時文殊師利童子住在虛空合掌長跪
整衣服而白佛言世尊以何因緣欣然微笑
佛告文殊師利我念往昔此虛空中十千諸
佛同於此處爲諸菩薩說金剛場陀羅尼法
門文殊師利復白佛言世尊唯願如來爲諸
菩薩重分別說金剛場陀羅尼法爾時佛止
文殊師利言不須復說此金剛場陀羅尼中
無有煩惱亦無涅槃彼等欲入涅槃金剛場
陀羅尼中無菩薩法及諸佛法彼等欲得成

佛金剛場陀羅尼中無有善法及不善法彼等欲捨不善法金剛場陀羅尼中無彼岸此岸彼等欲達彼岸金剛場陀羅尼中無有成就諸佛刹者彼等欲成就諸佛刹金剛場陀羅尼中無有魔及魔名字彼等欲降衆魔金剛場陀羅尼中無有聲聞及聲聞名字彼等欲超過聲聞法金剛場陀羅尼中無辟支佛及辟支佛法彼等欲超過辟支佛位金剛場陀羅尼中無衆生及衆生名字彼等欲化諸衆生金剛場陀羅尼中無有利無非利彼等欲求利金剛場陀羅尼中無有欲及欲名字彼等欲離欲金剛場陀羅尼中無惱及惱名字彼等欲離惱金剛場陀羅尼中無有癡及癡名字彼等欲捨癡金剛場陀羅尼中無有智及無智彼等欲證智金剛場陀羅尼中無

有煩惱及無煩惱無有淨及不淨亦無有教及無教無慈無悲無喜無捨無施無慳無戒無犯無諍無忍無進無怠無禪定無亂心無智無無智無墮無聲聞無辟支佛無諸佛無如來無法無非法無深無淺無識無非識無名字無證處無煩惱無涅槃無諸力無菩提分無諸根無正念處無正定處無四如意足文殊師利金剛場陀羅尼若修得者不捨凡夫法不取不執亦不遠離亦不建立不須超過不證不捨不思惟捨不勝不出無有懈怠不憚不護不悔不觸凡夫法中不起煩惱所有布施亦不作相不作與相亦不捨離諸佛法亦不觸凡夫法諸佛法不離凡夫法凡夫法不離諸佛法亦不建立聲聞辟支佛法亦不在諸佛法不捨凡夫法不得護諸凡夫法

不得無動住諸佛利不得捨諸大願文殊師利此金剛場陀羅尼中無有分別所以者何欲瞋癡法一切平等男女相同故天龍夜叉乾闥婆阿脩羅迦樓羅緊那羅一切法平等差別相同故佛法僧聲聞辟支佛一切法平等同故地獄餓鬼畜生平等同故水大風大火大地大虛空大一切法平等同故眼耳鼻舌身意乃至一切法平等同故文殊師利金剛場陀羅尼譬如東方所有虛空南西北方所有虛空及上下方所有虛空皆悉平等同故所謂虛空一體平等如是文殊是金剛場陀羅尼去一切衆生平等同故作是語已文殊師利復白佛言世尊云何欲是陀羅尼句佛告文殊師利欲者非從東方來惱諸衆生亦不從南西北方四維上下來惱諸衆生亦

非內出亦非外來惱諸衆生文殊師利欲若內起惱衆生者衆生永無有淨亦不得證諸法實相文殊師利所有諸法不去不來非內非外無有住處是故欲名陀羅尼句文殊師利惱是陀羅尼句文殊師利白佛言世尊云何惱是陀羅尼句佛告文殊惱者從諍競起彼諍競者非過去非未來非現在文殊師利過去諸法若生不可壞者應是常法文殊師利未來諸緣無惱可生現有諸緣無所住故滅壞故文殊師利所有諸法本來不生亦無未來及現在生是三世淨陀羅尼句文殊師利癡是陀羅尼句文殊師利白佛言世尊云何癡是陀羅尼句佛告文殊癡者從無明起不依地界不依水界不依火界不依風界及虛空界乃至識界諸法無所依著不可得惱

不可得淨何以故無著體不得惱亦不得淨若無著體諸法得惱得淨者虛空亦應得惱得淨所以者何虛空不為諸法所依文殊師利所有無明無著處無移處無壞處無現處無礙不可見無縛無解無邊無自性故如是虛空可得說言彼惱彼淨耶文殊師利言不也世尊佛告文殊師利無明者如來所說本來無有故名無明此無明句前際不可得後際不可得現在際亦不可得文殊師利所有諸法無有有者不可得者不可見者無有知者彼等頗得能解能縛不亦能作障不文殊師利言不也婆伽婆不也修伽陀若如是義云何世尊無明見生惱耶佛言文殊師利譬如二木及人功等相揩火得出生彼火熱焰不從二木生亦非人功生而能得生如是如

是文殊師利無正定故而生欲惱瞋惱癡惱彼諸惱等不在內不在外不在兩中間如是文殊師利所言惱者云何得生云何名癡諸法本來解脫以能生惱故名為癡諸法本來解脫無有縛處是故名癡是陀羅尼法門爾時文殊師利白佛言世尊頗有一法菩薩行已能入一切陀羅尼諸法門不佛告文殊師利有一字法門菩薩得已能說千萬字法門而此一字法門亦不可盡在在處處說諸法相無有邊際得此諸法明時自然得無障礙辯說一切法不可窮盡說諸法已還復攝入一字法門得無礙辯故轉能多說一句法門增益增益說已還復攝入一法門中文殊白佛言世尊何者一字法門佛告文殊師利無有一切諸法是名一字陀羅尼法門文

殊師利白佛言世尊云何名爲陀羅尼句法
門佛言文殊師利一切諸法住調伏地是故
名爲入調伏陀羅尼法門文殊師利天法門
一切諸法名陀羅尼法門文殊師利白佛言
世尊何故名天是陀羅尼法門佛言文殊師
利一切諸法住修行地故名天相入陀羅尼
法門文殊師利龍法門一切諸法是陀羅尼
法門文殊師利言世尊何故名龍是陀羅尼
法門佛告文殊師利言無有名字一切諸法
斷名字道無字假說字故名龍入陀羅尼字
法門文殊師利夜又法門一切諸法是陀羅
尼法門何故名夜又是陀羅尼法門佛告文
殊師利言盡相故一切諸法本來不生故名
夜又是陀羅尼法門文殊師利乾闥婆法門
一切諸法是陀羅尼法門何故名乾闥婆是

陀羅尼法門以數過故一切諸法無有邊際
但取虛空邊故名乾闥婆相是入陀羅尼法
門文殊師利阿脩羅法門一切諸法是陀羅
尼法門何故名阿脩羅是陀羅尼法門佛言
文殊師利無定住一切諸法不可以名字說
非色不異色相可行非聲不異聲相可行非
香不異香相可行非味不異味相可行非觸
不異觸相可行非意不異意相可行非佛不
異佛相可行非法不異法相可行非僧不異
僧相可行非聲聞不異聲聞相可行非辟支
佛不異辟支佛相可行非凡夫不異凡夫相
可行文殊師利一切諸法無行相無可行相
可行無起發故是名阿脩羅入陀羅尼法門
文殊師利迦樓羅法門一切諸法是陀羅尼
法門文殊師利白佛言世尊云何迦樓羅是

陀羅尼法門佛告文殊師利一切諸法無來
無去故無來非不來無去非不去不生不滅
不漏不著不縛不解不染不妄無染著處住
無建立本來無建立故文殊師利一切諸法
如虛空無有依故名迦樓羅入陀羅尼法門
文殊師利緊那羅一切諸法是陀羅尼法門
文殊師利白佛言世尊何故名緊那羅是陀
羅尼法門佛言離作道故文殊師利不可作
作者無所有故是名緊那羅相是入陀羅尼
法門文殊師利摩睺羅伽法門一切諸法是
陀羅尼法門文殊師利言世尊云何陀羅尼
法門佛告文殊師利一切諸法離垢本來明
淨一切衆生所不能濁亦不能淨此清淨陀
羅尼法門所以者何文殊師利一切諸法本
來寂滅故本來不生故文殊師利是名入摩

睺羅伽陀羅尼法門文殊師利婦女法門一
切諸法是陀羅尼法門文殊師利言云何是
陀羅尼法門佛言虛妄故文殊師利一切諸
法女根男根無定故所謂非實物故名婦女
相入陀羅尼法門文殊師利男兒法門一切
諸法是陀羅尼法門文殊師利言云何是陀
羅尼法門佛言文殊師利一切處相無有故
本際已來不可得乃至後際亦不可得現在
亦不可得文殊師利三際處無得故是處無
男無女唯假名說所言名者寬廣得名彼色
者四大合成此諸法無有生處故本來寂滅
故文殊師利一切諸法是名男相入陀羅尼
法門文殊師利地獄法門一切諸法是陀羅
尼法門文殊師利言世尊何故地獄名陀羅
尼法門佛告文殊師利地獄入何相文殊師

利言世尊地獄者入虛空相佛言文殊師利於汝意云何地獄者爲從自分別生爲自然生文殊師利言世尊是凡大等起分別故見有地獄畜生餓鬼無真實事而諸凡夫受於苦惱世尊如我所見無地獄見無有苦見世尊如人眠睡夢墮地獄而見自身在大沸鑊及無量人受諸苦痛熱惱逼身生大恐怖即大驚喚忽自唱言大苦大苦悲哭失聲彼人父母及諸眷屬問言汝有何苦彼人答言我墮地獄令我痛苦云何方問汝有何苦時彼父母及諸眷屬語彼人言汝莫怖畏汝於睡眠見此事耳汝向睡眠不出家外何故忽言受地獄苦彼人即還得醒寤心我所見事乃是夢耳我自內心作如是見悉皆非實還得歡喜世尊如彼夢人無有實事見墮地獄如

是如是世尊一切凡夫本無有欲生女想分別共相娛樂自生樂著彼即念言我是男也彼是女也已生欲心即求五欲爲五欲故共相鬪爭結諸怨讎散失財物更相殺害以起顛倒生怨憎想死入地獄經多干劫世尊如彼人夢所有父母及諸眷屬語彼人言汝向睡眠本未曾出云何而見受地獄苦如是如是世尊諸佛如來爲四顛倒諸衆生等說於正法是處無男無女亦無衆生無有受者無養育者及無富伽羅亦無我是諸法皆顛倒本無有故生是諸法和合故生是諸法分別故生是諸法是諸法無有生處是諸法無有物是諸法不相著是諸法如夢是諸法如幻是諸法如水月中是諸法無有著處是諸法無有染者無惱者無忘失者汝等莫妄分別

是諸衆生聞如來法已即厭於欲見諸法性
遠離諸煩惱遠離諸癡見一切諸法本來解
脫見一切諸法無有障礙見一切諸法寂滅
世尊彼諸人等已得虛空想定捨身已後於
無餘涅槃中而般涅槃世尊我見地獄苦想
如是爾時世尊讚文殊師利言善哉善哉文
殊師利如汝所見地獄應如是見亦應如是
分別如汝所說知見如是地獄已得無生法
忍如文殊師利所得說此語已一萬二千菩
薩得無生法忍同聲唱言希有諸佛行處所
謂於地獄法中得顯諸佛法

時文殊師利白佛言世尊願爲我說入無二
法門得入無二法門已令諸菩薩摩訶薩於
一切煩惱中說一切諸佛法亦不作二相念
復得無礙辯說一切無二相法世尊云何是

入無二法門佛言文殊師利汝諦聽諦受善
思念之吾爲汝說是平等名字無二法門得
法門已諸菩薩於一切煩惱中一切諸佛法
中能作平等復是一切煩惱分別名陀羅尼
法門我今說之文殊師利言善哉世尊願爲
我說今我樂聞文殊師利無明是菩提是陀
羅尼法門文殊師利言世尊云何無明是陀
羅尼法門佛告文殊師利以無有明故名爲
無明以無明故是故不生以無生故無煩惱
文殊師利無煩惱者是名菩提本性清淨無
有著處無有生處以是義故文殊當知如來
常於處處經中廣說無明菩提無二法門文
殊師利我昔已來不得無明以是義故我說
無明文殊師利是名無明陀羅尼法門菩薩
得是智法門已得捷疾辯得利辯得無邊辯

得不住辯文殊師利諸行是菩提是陀羅尼
法門文殊師利言世尊云何諸行是菩提佛
告文殊師利言諸行者過於數算數不可得
是故思惟不善處無有邊際是故得有生亦
非此處去亦非他邊來無去故是故文
殊師利是名菩提入名行相陀羅尼法門文
殊師利識是菩提是陀羅尼法門文殊師利
言世尊云何識是菩提佛言文殊師利如來
常說識如幻化顛倒故生文殊師利言幻化
者從分別起從和合起依無實分別故起是
諸凡夫幻化相菩提從分別生從和合生顯
示諸佛法執著諸法相我等未來世當作佛
我等當教化諸衆生我等當得世間最勝而
菩提相猶如虛空生分別已毀訾於他文殊
師利我初不曾菩提樹坐已所得法或名佛

或名辟支佛或名聲聞或名凡夫文殊師利
是故名識是陀羅尼法門文殊師利名色是
菩提是陀羅尼法門文殊師利言世尊云何
名色是菩提佛言文殊師利名者但假聲言
無有真實文殊師利色者無有作者無造者
是中不可說言有我無有所即是菩提文
殊師利是名色相入陀羅尼法門文殊師利
六入是菩提是陀羅尼法門文殊師利言世
尊云何六入是菩提佛告文殊師利如是等
一切諸入各各行中求不可得眼不作是念
我見色耳不念我聞聲鼻不念我嗅香舌不
作念我嘗味身不作念我覺觸意不作念我
知法眼不知色行色不知眼行耳不知聲行
聲不知耳行鼻不知香行香不知鼻行舌不
知味行味不知舌行身不知觸行觸不知身

行意不知法行法不知意行文殊師利六入
各各相違背一切諸入無有識各各無覺各
各自體空文殊師利真法相者實空文殊師
利是名六入相是陀羅尼法門文殊師利觸
是菩提是陀羅尼法門文殊師利言世尊云
何觸是菩提佛告文殊師利所言觸者是色
觸聲觸香觸味觸觸觸法觸文殊師利所有
色觸彼則有緣若有緣分別故生攀緣故住
文殊師利言攀緣者猶如幻化彼即顛倒若
顛倒即無有若無有即不生若不生即無滅
無滅無生故即是菩提文殊師利是名觸入
陀羅尼法門文殊師利受是菩提是陀羅尼
法門文殊師利言世尊云何受是菩提佛告
文殊師利受者有三種樂受苦受不苦不樂
受文殊師利言受者非內非外亦非中間文

殊師利所有樂非內非外非中間者即是無
有文殊師利云何知諸衆生而得受樂文殊
師利言世尊想顛倒故諸凡夫妄取諸緣若
樂若苦識分別知非樂非苦亦如是世尊我
見諸受性如幻化本來不生佛告文殊師利
以是義故知受相者入陀羅尼法門文殊師
利愛是菩提是陀羅尼法門文殊師利言世
尊愛者非是一切煩惱根耶佛言於汝意云
何如人未有子時愛子之心爲在內爲在外
爲在他方文殊師利言世尊彼人尚未有子
云何得有愛子心耶佛言文殊師利是人後
時若因婦女和合生子然後彼人生愛子心
於汝意云何如是愛子之心爲從東方來南
西北方四維上下來爲在內爲在外文殊師
利言世尊彼愛子心不從十方及內外來佛